

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE**

Broj: 10/01-02-108/17

Banovići: 16.03.2017. godine

Na osnovu člana člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06), u skladu sa odredbama Zakona o javnim preduzećima u Federaciji Bosne i Hercegovine („Službene novine Federacije BiH“, br. 8/05, 81/08 i 22/09) i Zakona o javnim ustanovama („Službene novine RBiH“, broj: 6/92, 13/94), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i člana 25. Statuta općine Banovići („Službeni glasnik općine Banovići“, broj 3/08) i Zaključkom Općinskog vijeća Banovići broj: 10/01-02-81/17 od 28.02.2017.godine, a u skladu sa Uputstvom o uslovima i kriterijima za imenovanje na pozicije u organima u kojima općinski organi vlasti imaju pravni interes ili zakonito pravo da vrše nominaciju odnosno imenovanje broj: 01-05-210/05 od 03.02.2005.godine, Predsjedavajući Općinskog vijeća Banovići objavljuje:

JAVNI OGLAS

za izbor i imenovanje predsjednika i članova nadzornih odbora, predsjednika i članova skupština i odbora za reviziju Javnih preduzeća te predsjednika i članova upravnih odbora Javnih ustanova čiji je osnivač općina Banovići

Nadzorni odbor:

- 1. Javno preduzeće „Vodovod i kanalizacija“ d.o.o. Banovići**
-predsjednik i dva člana iz reda osnivača,
- 2. Javno preduzeće „Komunalno“ d.o.o. Banovići**
-predsjednik i dva člana iz reda osnivača,
- 3. Javno preduzeće „Toplana“ d.o.o. Banovići**
-predsjednik i dva člana iz reda osnivača,

Skupština:

- 1. Javno preduzeće „Vodovod i kanalizacija“ d.o.o. Banovići**
-predsjednik i dva člana iz reda osnivača,
- 2. Javno preduzeće „Komunalno“ d.o.o. Banovići**
-predsjednik i dva člana iz reda osnivača,
- 3. Javno preduzeće „Toplana“ d.o.o. Banovići**
-predsjednik i dva člana iz reda osnivača,

Odbor za reviziju:

- 1. Javno preduzeće „Vodovod i kanalizacija“ d.o.o. Banovići**
-predsjednik i dva člana iz reda osnivača,
- 2. Javno preduzeće „Komunalno“ d.o.o. Banovići**
-predsjednik i dva člana iz reda osnivača,
- 3. Javno preduzeće „Toplana“ d.o.o. Banovići**
-predsjednik i dva člana iz reda osnivača,

Upravni odbor:

- 1. Javna ustanova „Javna biblioteka“ Banovići**
-predsjednik i dva člana (iz reda osnivača dva člana i jedan član iz reda zaposlenih),
- 2. Javna ustanova „Dječije obdanište“ Banovići**
- predsjednik i dva člana (jedan član iz reda osnivača, jedan član iz reda zaposlenih i jedan član iz vijeća roditelja,

- 3. Javna ustanova „Sportsko-kulturni centar“ Banovići**
-predsjednik i dva člana (iz reda osnivača dva člana i jedan član iz reda zaposlenih),
- 4. Javna ustanova „Centar za kulturu i informisanje“ Banovići**
-predsjednik i dva člana (iz reda osnivača dva i jedan član iz reda zaposlenih),
- 5. Javna ustanova „Centar za socijalni rad“ Banovići**
-predsjednik i dva člana (iz reda osnivača dva i jedan član iz reda zaposlenih),
- 6. Javna ustanova „Centar za zaštitu, razvoj i promociju turizma“ Banovići**
- predsjednik i dva člana (iz reda osnivača dva i jedan član iz reda zaposlenih),
- 7. Javna zdravstvena ustanova Dom zdravlja Banovići**
- jedan član iz reda osnivača.

a) Prava i obaveze Nadzornog odbora

- Nadzorni odbor preduzeća nadzire rad uprave,
- priprema poslovnike i predlaže ih skupštini,
- priprema etički kodeks i predlaže ga skupštini,
- vrši izbor kandidata Odbora za reviziju i podnosi prijedlog za njegovo imenovanje skupštini,
- razmatra provedbeni propis za postupak nabavke i nadzire njegovo provođenje,
- daje mišljenje skupštini o prijedlogu uprave za raspodjelu profita,
- imenuje i razrješava članove uprave,
- daje saglasnost za aktivnosti koje su ograničene na osnovu odredbi Zakona o javnim preduzećima,
- daje upute direktoru za provođenje uviđaja u vezi sa uočenim nepravilnostima i
- vrši druge poslove u skladu sa Zakonom, Statutom i drugim normativnim aktima preduzeća.

b) Prava i obaveze Skupštine

- odlučuje o poslovnoj politici i strategiji razvoja društva,
- usvaja godišnje izvještaje društva, koji uključuje finansijski izvještaj, izvještaj revizora i izvještaj o radu Nadzornog organa,
- odlučuje o rasporedu i isplati dobiti,
- odlučuje o načinu pokrića gubitka,
- odlučuje o povećanju i smanjenju osnovnog kapitala,
- odlučuje o promjeni firme i sjedišta društva,
- odlučuje o pristupanju novih članova i isključenju članova, kao i naknadi udjela,
- usvaja statut društva,
- odlučuje o spajanju sa drugim društvima i pripajanju drugih društava društvu ili društva drugom društvu,
- odlučuje o promjeni oblika i podjeli društva,
- odlučuje o prestanku društva sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije,
- odlučuje o kupovini, prodaji, razmjeni, uzimanju ili davanju u lizing, uzimanju ili davanju kredita i drugim transakcijama direktno ili posredstvom subsidijarnih društava u toku poslovne godine u obimu većem od trećine knjigovodstvene vrijednosti društva po bilansu stanja na kraju predhodne godine, kao i o takvoj transakciji u manjem obimu za čije odobrenje je ovlašten Nadzorni odbor, kao on takvu predloženu transakciju nije odobrio jednoglasnom odlukom,
- vrši izbor i razrješenje članova Nadzornog odbora pojedinačno,
- vrši izbor i razrješenje Odbora za reviziju,
- odlučuje o naknadama članova Nadzornog odbora i Odbora za reviziju,
- odlučuje o osnivanju, reorganizaciji i likvidaciji subsidijarnih društava i odobravanju njihovih statuta,
- odlučuje o izmjenama i dopunama statuta koje se odnose na pitanja iz tačke e), i) i j) ovog člana ili druga pitanja o kojima u skladu sa zakonom ili statutom društva skupština donosi posebne odluke čiji pravni učinak uključuje izmjenu odgovarajućih odredaba statuta društva,

- donosi poslovnik ili poslovnike na prijedlog Nadzornog odbora,
- donosi etički kodeks na prijedlog Nadzornog odbora,
- odlučuje o planu poslovanja, odnosno revidiranom planu poslovanja u skladu sa Zakonom o javnim preduzećima u Federaciji Bosne i Hercegovine,
- odlučuje o drugim pitanjima bitnim za poslovanje društva, u skladu sa zakonom.

c) Prava i obaveze Odbora za reviziju

- imenuje vanjskog revizora,
- razmatra godišnju studiju rizika i plana revizije i preduzima mjere i aktivnosti na korekciji utvrđenih propusta,
- osigurava da interne kontrole u preduzeću budu adekvatne i funkcionišu kako je predviđeno,
- podnosi nadzornom odboru informacije o svojim mjesečnim sastancima,
- vrši reviziju polugodišnjeg i godišnjeg obračuna i reviziju finansijskog poslovanja preduzeća na zahtjev članova preduzeća i o tome dostavlja izvještaj skupštini i nadzornom odboru,
- daje preporuke upravi o uočenim nepravilnostima u radu,
- obavlja i druge poslove iz djelokruga revizije.

d) Prava i obaveze upravnih odbora

- upravlja javnom ustanovom, donosi opća akta ustanove,
- imenuje i razrješava direktora,
- utvrđuje planove razvoja i rada ustanove,
- utvrđuje godišnji program rada,
- donosi finansijski plan i usvaja godišnji obračun,
- odlučuje o svim pitanjima obavljanja djelatnosti radi kojih je ustanova,
- ako zakonom nije određeno da o određenim pitanjima odlučuje drugi organ,
- usmjerava, kontroliše i ocjenjuje rad direktora,
- rješava sva pitanja odnosa sa osnivačem,
- odlučuje o korištenju sredstava preko iznosa utvrđenih aktima ustanove,
- odgovara osnivaču za rezultate rada ustanove,
- podnosi osnivaču najmanje jedan godišnji izvještaj o poslovanju ustanove i
- vrši i druge poslove u skladu sa zakonom, statutom i drugim aktima ustanove.

e) Mandat i naknada za rad

Predsjednik i članovi Nadzornog odbora, Skupštine, Odbora za reviziju i Upravnog odbora imenuju se na period od 4 (četiri) godine uz mogućnost ponovnog imenovanja u skladu sa Zakonom.

Imenovane osobe imaju pravo na naknadu u skladu sa Zakonom i uslovima utvrđenim općim aktima preduzeća i ustanova i ista će se isplaćivati iz sredstava preduzeća i ustanova.

f) Opći uslovi za imenovanje

Svi kandidati za pozicije u regularnom organu koji je predmet ovog javnog oglasa moraju ispunjavati slijedeće opće uslove:

1. da je državljanin BiH,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja upražnjenje pozicije,
4. da se na njega ne odnosi član IX. 1 Ustava Bosne i Hercegovine (da nisu pod optužnicom Međunarodnog suda za ratne zločine u bivšoj Jugoslaviji),
5. da se protiv njega ne vodi krivični postupak,
6. da nije osuđivan za krivično djelo i za privredni prijestup koji je nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
7. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine Federacije BiH“, broj: 12/03, 34/03 i 65/13),

8. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj 70/08),
9. da nema privatni finansijski interes u privrednom društvu (javnom preduzeću) ili ustanovi u koje se kandidira u smislu člana 2. tačke 1.2. Zakona o ministarskim, vladinim i drugim imenovanjima u Federaciji BiH,
10. da nije lice kojem je pravosnažnom presudom suda zabranjeno obavljanje aktivnosti u nadležnosti privrednog društva (javnog preduzeća) ili javne ustanove u koju se kandiduju,
11. da ne postoje druge zakonske smetnje za obavljanje poslova iz nadležnosti Nadzornog odbora, Odbora za reviziju i Upravnog odbora.

g) Posebni uslovi za imenovanje Nadzornog odbora, Skupštine i Upravnog odbora

-Za imenovanje predsjednika i člana Nadzornog odbora, Skupštine i Upravnog odbora iz reda osnivača i reda zaposlenih, kandidat treba imati VII, VI ili IV stepen stručne spreme društvenog ili tehničkog smjera i radno iskustvo od najmanje 1. godine,

h) Posebni uslovi za imenovanje odbora za reviziju javnih preduzeća

-Za imenovanje predsjednika i članove odbora za reviziju Javnih preduzeća kandidat treba da ima VII stepen društvenog ili tehničkog smjera i najmanje jednu godinu radnog iskustva.

i) Pored posebnih uslova, za Nadzorni odbor, Skupštinu, Odbor za reviziju i Upravni odbor, kandidati treba da:

- uživaju ugled u lokalnoj zajednici,
- posjeduju odgovarajuće stručno znanje iz oblasti za koju se kandiduju,
- nisu članovi više od jednog Nadzornog odbora, Skupštine, Odbora za reviziju ili Upravnog odbora,
- posjeduju sposobnost nepristrasnog donošenja odluka,
- posjeduju komunikacijske i organizatorske sposobnosti.

j) Potrebni dokumenti

Uz prijavu na javni oglas kandidati su dužni priložiti:

1. kraću biografiju, adresu i kontakt telefon,
2. uvjerenje o državljanstvu, ne starije od 6 mjeseci (original ili ovjerena kopija),
3. ovjerenu kopiju diplome,
4. uvjerenje o radnom iskustvu,
5. ovjerenu Izjavu kojom dokazuju da ispunjavaju ostale opće uslove iz tačaka 3), 4), 7), 8), 9), 10) i 11).

Sva navedena dokumentacija mora biti u originalu ili ovjerenoj kopiji, a izjava mora biti ovjerena od strane nadležnog organa.

Izjave navedene u tački 5. mogu se dostaviti pojedinačno ili na jednoj izjavi.

U roku od osam dana od dana imenovanja, kandidat koji bude konačno imenovan za člana nadzornog odbora, skupštine, odbora za reviziju i upravnog odbora, bit će dužan dostaviti sledeću dokumentaciju javnom preduzeću odnosno javnoj ustanovi u kojoj bude imenovan ito:

1. uvjerenje da se protiv njega ne vodi krivični postupak,
2. uvjerenje da nije osuđivan za krivično djelo i privredni prestup, nespojiv sa dužnosti u nadzornom odboru, skupštini, odboru za reviziju i upravnom odboru.

Kandidat je dužan prilikoma apliciranja na javni oglas, naglasiti za koju poziciju i u kojem javnom preduzeću ili ustanovi se kandidira.

U roku od šest mjeseci od dana imenovanja, kandidat koji bude konačno imenovan za člana nadzornog odbora bit će dužan dostaviti uvjerenje/certifikat o završenom usavršavanju u skladu sa odredbama Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine Federacije BiH“ broj: 71/09, 33/10,23/11, 83/11 i 2/13).

Sa kandidatom koji bude ispunjavao sve potrebne uslove bit će obavljen intervju.

Podnosioci prijava s kojima se ne stupi u kontakt u roku od 15 dana od dana isteka roka za podnošenje prijave, neće se uzeti u razmatranje u daljem procesu imenovanja.

Svi kandidati koji budu stavljeni na listu bit će pozvani na intervju. Prilikom pozivanja kandidata na intervju svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Prije intervjuja komisija može tražiti podatke od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreme.

Nakon intervjuja Komisija za izbor će predložiti rang listu sa najboljim kandidatima i dostaviti odgovornom javnom službeniku općine Banovići (Općinsko vijeće) na daljnje razmatranje i konačno imenovanje.

Konačna imenovanja će se objaviti u „Službenim novinama Federacije BiH“ ili „Službenim novinama kantona“, grada ili općine.

Bilo koji kandidat ili zainteresirana stranka mogu podnijeti prigovor na konačno imenovanje, ako smatraju da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji Bosne i Hercegovine.

Prigovor na konačna imenovanja se podnosi odgovornom javnom službeniku općine, a kopija se dostavlja Ombudsmenu za ljudska prava BiH.

Javni oglas ostaje otvoren 14 dana od dana objavljivanja u „Službenim novinama Federacije BiH“, dnevnom listu, službenoj web stranici Općine Banovići (www.opcina-banovici.com.ba) i Oglasnoj ploči općine Banovići.

Rok za podnošenje prijave računa se prema datumu objave oglasa u glasilu koje zadnje objavi ovaj oglas.

Prijave sa svim traženim dokumentima, dostaviti lično ili preporučeno poštom na adresu: Općina Banovići, ulica Alije Dostovića br. 1, 75290 Banovići, sa naznakom „Prijava na oglas za izbor i imenovanje predsjednika i članova nadzornih odbora, skupština i odbora za reviziju javnih preduzeća te predsjednika i članova upravnih odbora Javnih ustanova“- NE OTVARAJ.

Obrazac prijave moguće je preuzeti na web stranici Općine Banovići (www.opcina-banovici.com.ba) ili u Centru za pružanje usluga građanima (šalter sala) općine Banovići.

Neblagovremene i nepotpune prijave neće se uzeti u razmatranje.

**PREDSJEDAVAJUĆI
OPĆINSKOG VIJEĆA**

Nermin Delagić, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA BANOVIĆI
OPĆINSKO VIJEĆE



Broj: _____
Datum: _____ godine

PRIJAVA

na Javni oglas za izbor i imenovanje predsjednika i članova nadzornih odbora, predsjednika i članova skupština i odbora za reviziju javnih preduzeća, te predsjednika i članova upravnih odbora javnih ustanova čiji je osnivač općina Banovići

Prezime i ime	
Datum i mjesto rođenja	
Adresa stanovanja	
Kontakt telefon	
e-mail	
Naziv pozicije za koju se kandidira kao i Javno preduzeće ili Javna ustanova u koju se kandidira	

Uz prijavu prilažem sledeću dokumentaciju:

1. Kraću biografiju, adresu i kontakt telefon,
2. Uvjenje o državljanstvu ne starije od 6 mjeseci (ovjerena kopija ili original),
3. Ovjerenu kopiju diplome,
4. Uvjenje o radnom iskustvu,
5. Ovjerenu izjavu kojom dokazujem da ispunjavam ostale uslove iz tačaka 3), 4), 7), 8), 9), 10) i 11).

U Banovićima _____ 2017. godine

POTPIS KANDIDATA
